



Las famiglias Schmidt e Candinas se participeschan all'iniziativa «pur enquera hotelier». La davosa fin da jamna han ils hoteliers da Flem visitau il bein puril da bio a Sumvitg.



Segar sto esser empriu, mo il hotelier ha nuota fatg mala figura.

FOTOS DOLORES RUPA, CUERA

# «Senza carezia e pissiun per quei ch'ins fa va ei buc»

Hotelier Christoph Schmidt da Flem ei s'inscuntraus cul pur Sep Candinas sil bein a Sumvitg

DA SUSI ROTHMUND / ANR

■ **Cun l'iniziativa «pur enquera hotelier» vul il post d'Agroturissem Grischun avischnar l'agricultura ed il turissem a moda inusitada. El rom da quell'acziun han il possessur dil hotel Schweizerhof a Flem, Christoph Schmidt e sia giuvna famiglia, visitau la davosa fin da jamna ils purs Barbara e Sep Candinas a Sumvitg.** La dimora dil hotelier sil bein puril da bio pudess ins descriver sco spert, mo intensiv fuffergnadi. Barbara e Sep Candinas, ils purs che fan part dall'Associaziun Amarendra a Sumvitg, han propi priu peda per lur hosp che ha saviu mirar davos las culissas dil menaschi e Christoph Schmidt ha astgau eleger tgei lavurs ch'el ha vuliu empruar da far. L'anr ei vegnida neutier cu las duas famiglias havevan finiu da solver ed il hotelier da Flem e ses fepls havevan gest rimnau ils ovs. «Nus havein anflau exact 116 ovs!», han Matteo e Nicolas raquintau tut loschs e cun epls tarlischonts. Fertun era lur bab gia vid segar e sco ei pareva haveva el plascher da quella occupaziun. Suenten ha ei giu num im-

punder forzas per far ora lenna. Christoph Schmidt, ch'ei commember dalla direziun dalla Gruppa Arena Alva, ei entraus en bia sfidas ed ha schau plascher da brattar il biro culla biala cuntrada. Lavurs da mintgadi pil pur ein pli u meins stadas novas experienschas per el. Las vaccas ed il taur da Sep Candinas pascuavan dado il vitg e leu ha il hotelier gidau da far seiv.

### Mirar davos las culissas

Aschia han ils emprems «partenaris» anflau in l'auter. Ella Val Müstair separticeschan proximamein ogt purs e hoteliers all'iniziativa «pur enquera hotelier» ed intermediesch vicendeivlamein investas en lur lavur e travaglia quotidiana en lur menaschis. Sil sectur dall'agricultura han tals menaschis la preferenza che disponan gia d'ina certa experienza cun dar albiert e dunsena a hosps ni tals che s'engaschan en activitads agroturisticas. Barbara e Sep Candinas han gia rimnau dabia experienscha cun lur survetsch da «catering», ina purschida dall'Associaziun Amarendra. La finamira da «pur enquera hotelier» ei da possibilitar inscun-

ters da carstgauns e menaschis a moda luca denton tuttina cun relevanza. Il post d'Agroturissem Grischun ei responsabels per l'iniziativa ch'ei sut il patronadi dall'Uniun purila grischuna e hotelieresuisse Grischun. Sep Candinas e Christoph Schmidt ein dalla partida per quei ch'els levan ina ga mirar davos las culissas da tut in auter menaschi ch'igl agen.

### Adina promts

Cun ses dus fepls ei Christoph Schmidt gia arrivaus il venderdis sera a Sumvitg nua ch'els ein vegni beneventai codialmeins dalla famiglia Candinas. Suenten in bien apero han tuts gudiu la salata dalla pura ed ina buna pizza tenor gust. Suenten tscheina han ils buobs astgau gidar lur bab da rimnar ils ovs e dar la buna notg als asens per lu ir cuntents a durmir. Ils carschi han gudiu la sera ed igl interessant discuors che ha schau anflar bia parallelas il pur ed il hotelier; omisduis meinnan in menaschi, san planisar libramein, mo ein era sez responsabels che tut funcziuni endretg. Els lavuran bia uras e ston esser siat dis ad jamna e 24 uras al

di promts e contonschibels. Aschia ein ils umens lu era vegni tier il facit communal: «Ch'ins seigi pur ni hotelier, ei drova carezia e pissiun per quei ch'ins fa.»

### Melli damondas

Omisduis han giu interess pigl aspect finanziar da l'auter menaschi ed era en quei grau han ei constatau parallelas. Ton el hotel sco el menaschi puril sto vegnin investau cuntinuadamein per star ajour e correspunder allas prescripziuns che pretendan pli e pli bia. Ei ha fatg impressiun a Sep Candinas d'udir tgei summa ch'il hotelier sto prender enta maun sulet per dar la paga als rodud 30 emploiai. Era il pur ha enqualga gidonters sil bein e tier ils caterings drova ei magari ina entira massa gidonters, mo quei ei tut mo temporal. Mintgin ha vuliu saver tgei che fatschenta l'auter ed ei han discurren da temas sco durabladad, reglar la successiun e cun melli autras damondas e rispostas han ei nuota giu lungurus.

### Mintgin ha sia perla

Per quei ch'il hotelier haveva ludau la sera aschi fertg la bellezza dil Lag da Cauma ha

Sep Candinas fatg la damaun beinmarvegl cun el ina excursiun cun auto a mises si sur Laus. Suenten ina cuorta spassegiada ha el lu saviu mussar a Christoph Schmidt sia «perla» – igl idillic Lag da Laus ed il hotelier da Flem ei immediat staus incantaus. Cu els ein turnai el vitg ei la hoteliera Sandra Schmidt culla poppa Emilia vegnida vitier e tuts han gudiu comunablamain il gustus solver da purs per lu semetter alla lavur sura numnada. Cuntenzas e cun massa novas impressiuns han omisduis famiglias gudiu il gentar ella pergola. Ei han constatau ch'ei dess avunda pusseivladads per ina collaboraziun durabla, ideas concretas ein denton aunc buca vegnidadas discurrendas. Atgnamein ein tuts gia occupai degavunda, mo forsia sedat tuttina ina ni l'autra pusseivladad da collaborar. «Potenzial exista segir, gest aschia in solver perfetg en quella bellezza cuntrada fust bein entatgei bi per nos hosps», han Sandra e Christoph Schmidt manegiau. Oravon han els denton envidau Barbara e Sep Candinas da passentar ina fin da jamna dil fenadur en lur hotel e mirar leu davos las culissas.

reclama

## Wochenend-Knaller!

**20%**

auf alle Champagner und Schaumweine\* - auch auf bestehende Aktionspreise!

Gültig in allen Denner Verkaufsstellen, unter [www.denner-wineshop.ch](http://www.denner-wineshop.ch) und in der Denner App.

\*nicht mit anderen Gutscheinen und Bons kumulierbar. Solange Vorrat.

### Rindshuft Black Angus

am Stück, Australien, im Kühlregal, ca. 800 g, per 100 g



**43%** sparen

**4.49** statt 7.90

### Select

- King Size
  - Silver
  - Extra
- Soft Pack, 10 x 20 Zigaretten



**8.-** sparen

**76.-** statt 84.-\*

Auch als Einzelpackung erhältlich

**7.60** statt 8.40\*

**Aktion**

Rauchen ist tödlich. Fumer tue. Il fumo uccide.

### \*Konkurrenzvergleich

Aktionen gültig am Freitag, 30. und Samstag, 31. Mai 2014 / solange Vorrat / Druck- und Satzfehler vorbehalten / jetzt abonnieren: [www.denner.ch/newsletter](http://www.denner.ch/newsletter)

Einer für alle

